



INATSISARTUT

## Aningaasaqarnermut Naalakkersuisoq

Ulloq: 3. december 2012

J.nr.: 01.31.06/12-00607

### **Aningaasaqarnermut Akileraartarnernullu Ataatsimiititaliap sisamangornermi ulloq 29. november 2012-imi aalajangiineranik Naalakkersuisunut ilisimatitsineq (suliaq nr. 01.31.06/12-00607)**

#### **PAT-imut aningaasaliissutinik Napparsimasut Ataasiakkaat pillugit Paasissutissanik Qarasaasiakkut Nalunaarsuivimmumt missingersuutitut sunniuteqanngitsumik nuussinissaq**

Naalakkersuisut **inassutigaat**,

- kontomi pingaarnermi 86.60.01-imi Peqqinnissaqarfimmumt tunngasumi, suliassamut nutaamut nr. 996.46.019-imumt, Napparsimasut ataasiakkaat pillugit paasissutissanik qarasaasiakkut nalunaarsuivimmumt (EPJ) tunngasumumt, aningaasaliissutit 7,0 mio. koruuninik amerlineqassasut, aamma
- kontomi pingaarnermi 20.01.05-imi, PAT-imut suleriaasissap atuutsinneqalerneranumt (paasissutissiisarnermi attaveqaqatigiinnermilu teknologiumt periusissaq) tunngasumi, aningaasaliissutit taamatuttaaq 7,0 mio. koruuninik ikineqassasut.

#### **Aningaasaqarnermut Ataatsimiititaliap oqaaseqatai**

Konto pingaarnep 86.60.01-ip, Peqqinnissaqarfimmumt tunngasup, ataani suliassamik nutaamik nr. 996.46.019-imik, Napparsimasut ataasiakkaat pillugit paasissutissanik qarasaasiakkut nalunaarsuivimmumt (EPJ) tunngasumik, pilersitsinissaq Naalakkersuisut kissaatigaa, tassungalu konto pingaarnemumt 20.01.05-imit, PAT-imut suleriaasissap atuutsinneqalerneranumt (paasissutissiisarnermi attaveqaqatigiinnermilu teknologiumt periusissaq) tunngasumumt, 7 mio. kr.-it nuunneqarput.

Tamatuma kingorna aningaasat Sanaartugassanumt Iluarsagassanullu Aningaasaateqarfimmumt ilineqarnissaat ataatsimiititaliami naatsorsuutigineqarpoq, tassa ukioq manna 7 mio. kr.-it atorneqarsinnaanissaat ilimanangimmat. Suliassamumt tamarmiusumumt aningaasalersuinissaq suliassaq nr. 996.46.019-imit, Napparsimasut ataasiakkaat pillugit paasissutissanik qarasaasiakkut nalunaarsuivimmumt (EPJ) tunngasumumt, kiisalu suliassaqarfiup 34-p ataani kontonit pingaarnemumt assigiinngitsumumt pissasoq Naalakkersuisut isummernissaannumt tunngavissiani allassimavoq.

Napparsimasut ataasiakkaat pillugit paasissutissanik qarasaasiakkut nalunaarsuiffik 2017-imi aningaasaliussanumt, ukiunumt missingersuusiornissumumt sunniuteqartussamik, Naalakkersuisumumt ilaatigumt aningaasalersorniarneqarmat ataatsimiititaliamumt

maluginiarneqarpoq, tamannalu eqqarsarnartoqartinneqarpoq. Kiisalu Peqqissutisimut Pinaveersaartitsinermullu Aqutsisoqarfik ukiuni 2013-imit 2017-imut 5,68 mio. kr.-inik tapeeqataassaaq, tamannalu Peqqinnissaqarfiup neqeroorutaasa ajorseriarnerannik nassataqassanngitsoq Naalakkersuisullu malillugit naatsorsuutigineqarpoq. Tamatuma saniatigut konto pingaarneq 34.11.03, Dronning Ingridip Napparsimmavissuanut tunngasoq, kiisalu konto pingaarneq 34.12.01, nunap immikkoortuini peqqinnissaqarfinni nakorsanit sullinneqarnermut tunngasoq, ukiuni 2014-imit 2017-imut katillugit 3,83 mio. kr.-inik tapeeqataassapput, tamannalu napparsimasut ataasiakkaat pillugit paasissutissanik qarasaasiakkut nalunaarsuiffiup atuutilersinneqarneratigut pisariillisaanikkut iluanaaruteqarnissamik aammalu Peqqinnissaqarfiup neqeroorutai ajorseriartinnagit ingerlanneqarsinnaasutut Naalakkersuisunit illersorneqarpoq. Taamaattumillu napparsimasut ataasiakkaat pillugit paasissutissanik qarasaasiakkut nalunaarsuiffik pissutigalugu Peqqinnissaqarfiup neqeroorutai ajornerulissappata siuliani allassimasut tunngavigalugit isornartoqassaaq. Suliassamut akisunerulissutaasinnaasut ilanngullugit eqqarsaatigineqarsimasut kiisalu minnerunngitsumik atortuulersitsinerup nalaani pisariillisaanikkut iluanaarutissat qaffasinaarneqarsimannginnissaat ataatsimiititaliamit neriuutigineqarpoq.

Siuliani allassimasut ataatsimiititaliap ima apeqquteqarnissaanik tunngavissiipput:

1. Ataatsimiititaliap paasinninnera malillugu napparsimasut ataasiakkaat pillugit paasissutissanik qarasaasiakkut nalunaarsuiffissaq sivisuumik sulissutigineqarsimavoq, naak suliassatut immikkut normoqartinneqarsimanngikkaluartuq. Takussutissiaq suliassap piareersameranut manna tikillugu aningaasat qanoq amerlatigisut atorneqarsimanerannik takutitsisoq ataatsimiititaliamit kissaatigineqarpoq. Aningaasat konto pingaarnemut suliassanullu agguataarneqarnerannik takussutissiaq aamma imaqassasoq naatsorsuutigineqarpoq.
2. Suliassap piviusunngortinneqarnissaanut aningaasat suliassanut sorlernut agguataarneqarsimanerannut takussutissiaq ataatsimiititaliamit kissaatigineqarpoq. Tamanna pisinnaavoq suliniutit ingerlanissaannut pilersaarutip, Naalakkersuisut isummernissaannut tunngavissiami taaneqartup aammalu suliassap piviusunngortinneqarnissaanut tunuliaqutaasutut naatsorsuutigineqartariaqartup, nassiunneratigut.

### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni aammalu apeqqutinut siuliani allassimasunut Naalakkersuisut kingusinnerpaamik ulloq 10. december, nal. 12 kalaallisut danskisullu, assilinera qarasaasiakkut uunga nassiunneqartumik, akissuteqareersimanissaat **tunngavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuerineqarput**: [julie@inatsisartut.gl](mailto:julie@inatsisartut.gl).

### **Ataatsimiititaliaq sinnerlugu**

Andreas Uldum  
Ataatsimiititaliap siulittaasua